

10. Шерали Қолдошев, Қўқон, хонлиги ва Хитой (Чинг империяси) ўртасидаги дипломатик муносабатлар, Тошкент, 2019. – Б. 81-84.
11. Adeeb Khalid, Central Asia, Princeton, «Princeton University Press», 2021, – P. 62-64
12. Peter B. Golden, Central Asia in World History, New York, «Oxford», – P. 134
13. S.Frederick Starr, Ferghana Valley, New York, 2011, p. 32
14. Scott C. Levi, The rise and fall of Khoqand 1709–1876, Pittsburgh, University of Pittsburgh Press, 2017. – P.41

XIVA XONLIGIDA XIX-XX ASRNING BIRINCHI CHORAGIGA QADAR ARXIV ISHI VA UNING O'RGANILISHI

Xusanov S.X.

FarDU, O'zbekiston tarixi kafedrası o'qituvchisi
said0757@mail.ru

Annotatsiya: Ushbu risolada Xiva xonligining amalda bo'lgan ish yuritish tizimi va arxiv ishi holati boshqaruv hujjatchiligi jarayonlariga bevosita ta'sir etuvchi XIX – XX asr boshlarida Xiva xonlida ish yuritish va arxiv ishi tizimi tadqiq etiladi.

Kalit so'z va iboralar: Xiva xonligi, arxiv, ish yuritish tizimi, hujjat, amal va mansablar.

Аннотация: В данной статье проводится анализ внедрения делопроизводства управления государственные службы и архивные дело Хивы в XIX – начале XX веках. Стратегии действий, реформирование процессов управления в ханстве.

Ключевые слова и фразы: Хивинская ханства, Стратегия действий, делопроизводства, архив.

Annotation: This article examines the system of office management of the Khiva Khanate in the XIX-early XXcenturies. The questions of historiography and the problems of archival affairs are also explained.

Key words and phrases: Khiva Khanate, Archive, Archival Business, Record Keeping System.

Xiva xonligi arxivi va uning o'rganilishi. Xiva xonligi o'zbek davlatchiligi tarixida muhim o'rin egallagan davlatlardan biri hisoblanadi. Xiva xonligining siyosiy hayoti, uning ma'muriy boshqaruv tartibi, amalda bo'lgan ish yuritish tizimi va arxivlarning vazifalari muhim ilmiy tadqiqot ob'ekti bo'la oladi. Mazkur muammolar turli davrlarda olim va tadqiqotchilar tomonidan o'rganilgan. Jumladan, N.Muravyov, M.Ivanin, L.Sobolev, L.Kostenko, A.Kun, N.Vselovskiy,

G.Danilevskiy, D.Gladishev, X.Vamberi, V.Velyamonov-Zernov [1: 2]. Biroq yoʻnalishda jumboqlar va muammolar koʻp [1: 3].

Oʻrta Osiyo mintaqasida mavjud boʻlgan Qoʻqon va Xiva xonliklari va Buxoro amirligida oʻziga xos tarzda ish yuritish, hujjatchilik shu bilan birgalikda arxiv tizimi xususida XX asrning birinchi choragiga qadar aniq maʼlumotlar yoʻq edi. XX asrning 30-yillarida Oʻrta Osiyo xonliklarida arxivlar boʻlganligi oʻz tasdigʻini topdi. Bular Qoʻqon va Xiva xonlari, Buxoro amirligi Qoʻshbegi arxivlari boʻlib, ularda XVIII-XIX asrga oid hujjatlarning maʼlum qismi saqlanib qolgan.

Maʼlumki, Rossiya imperiyasining Oʻrta Osiyoni bosib olishning uchinchi bosqichi Xiva xonligiga yoʻnaltirilgan edi. Dungan qoʻzgʻoloni Xinjanggacha choʻzilgan bir paytda Rossiya 1871 yili oʻz eʼtiborini Kuljaga qaratishdan toʻxtatib, balki Markaziy Osiyoning boshqa bir tomonida buysunmas geografik joy hisoblangan Xiva xonligiga qaratdi. Yozma kelishuv rasman tan olingan boʻlishiga qaramasdan Britaniya Afgʻonistonga oʻz taʼsirini oʻtkazish (Badaxshon) va Xuroson (Xorazm) ga tasir oʻtkazmaslikka kelishildi. Rossiya 1873 yili General fon Kaufman boshchiligida Xiva xonligiga qarshi hujumini boshladi.

1873-yil 29-mayda ruslar Xiva xonligining poytaxti Xiva shahrini bosib olgandan soʻng, xon saroyini talan-taroj qildilar. Moddiy boyliklar bilan bir qatorda qoʻlyozma asarlar va arxiv hujjatlari Turkiston general – gubernatori K.P. Kaufmanning topshirigʻiga asosan sharqshunos olim Aleksandr Kun tomonidan Toshkentga olib kelindi. Arxiv va qoʻlyozmalarning tarkibi va mazmunini oʻrganib chiqqan Xiva ekspeditsiyasida bevosita qatnashgan A.L. Kun general-gubernatorga hisobot taqdim etadi. Unda olim mazkur hujjatlarni ikki guruhga boʻlgan edi [2: 41].

Birinchi guruhga xonlikning daromadlari va xarajatlariga doir daftarlari hamda bir qancha vaqf mulki hujjatlarini, ikkinchisiga xatlar, arizalar, shuningdek, diplomatic yozishmalarni kiritgan. Umuman olganda, Xiva xoni saroyidan Sharq qoʻlyozmalaridan iborat 300 ga yaqin kitob, 129 nomda 140 jild tarixiy asarlar, 20

nafar shoirlarning 30 jildli asarlari, 50 jildli 40 ta huquqiy-diniy asar, bundan tashqari 18 ta Qur'on va 50 ta darslik kitoblari to'planganini ma'lum qiladi. A.Kun Xiva xonligi hujjatlari asosidagi dalolatnomasida quyidagicha fikr bildirgan. "Xon saroyi musodara qilinganida, qo'lyozmalar bilan birgalikda hujjatlar ham to'plandi [2: 63]. Bu hujjatlarni ikki guruhga bo'lish mumkin: birinchi guruhga xonlikning daromadlari va xarajatlariga doir daftarlar hamda bir qancha vaqf va mulk hujjatlarini, ikkinchi guruhga xatlar va diplomatik yozishmalarni kiritish mumkin. Daftarlar orasida pul soliqlariga doir yozuvlar (solg'ut), zakot daftarlari va Matmurod devonbegining xon xarajatlari to'g'risidagi hisobotlari bor. So'ngra shu hujjatlar orasida Buxoroda, G'azalida, Istanbulda va boshqa joylarda savdo-sotiq ishlari bilan yashab turgan Xivaliklarning Xonga yuborgan iltimosnomalari, nizolarini hal qilib berish to'g'risida yozilgan imkoniyatnomalar, biror mansab berish to'g'risidagi iltimosnomalar va shu kabilar bor. Diplomatik hujjatlar orasida Ost- Indiya general gubernatorlari Narsbrukning xati, Turkiya sultonining xatlari va farmonlari, rus elchisi podpolkovnik Danilevskiy bilan Xiva xoni o'rtasida tuzilgan ahdnoma hamda Turkiston general gubernatori tomonidan xonga yuborilgan bir nechta maktub mavjud".

Ushbu noyob hujjatlarning bir qismi fon Kaufman tomonidan 1874-yil 28-martda Peterburg Fanlar Akademiyasi Osiyo muzeyi (hozirgi Sankt-Peterburgdagi Rossiya Fanlar Akademiyasi Sharqshunoslik instituti kutubxonasi)ga, qolgani esa Peterburgdagi Imperator xalq kutubxonasi (Sankt-Peterburgdagi Rossiya Milliy kutubxonasi)ga yuborilgan. Uzoq muddat hujjatlar ilmiy muomalaga kiritilmasdan, tadqiqotchilar uchun noma'lum bo'lib qolgan. Xiva xonlari arxivini birinchi bo'lib, 1936-yili sharqshunos olim P.P.Ivanov tomonidan tasodifan topib olinishi va o'rganib chiqilishi tarix fani sohasida katta yutuq bo'ldi. Mudomki, ushbu davrga qadar o'zbek xonliklari tarixi mahalliy tarixnavislar asarlari yoki yevropalik sayyohlar esdaliklari asosida yoritilar edi. Xiva xonligi arxivi hujjatlari mazmunining sharqshunos P.Ivanov tomonidan tadqiq etilishi Xiva xonligi tarixini ma'lumotlar bilan boyitishga xizmat qildi. P.Ivanov Saltikov-Shchedrin nomli xalq

kutubxonasidan hujjatlar topib, Xiva tarixiga oid tadqiqotlarini doirasini kengaytishga muvaffaq bo'ladi. Xiva xonlari arxivi hujjatlarini tizimli o'rganish natijasida P.P. Ivanov "XIX asrdagi Xiva xonlari arxivi" asarini nashr etgan. Biroq, olim arxivning Sharqshunoslik institutida saqlanib qolgan ikkinchi qismidan bexabar edi. Keyinchalik, mazkur hujjatlar 1951-1956 yillar Sharqshunoslik institutida katta ilmiy xodim lavozimida ishlagan, 1953 yil "Xiva xonligida feodal yer egaligi va davlat tuzilishi" mavzusida doktorlik dissertatsiyasini himoya qilgan M. Yo'ldoshev tomonidan ilmiy muomalaga kiritilgan. M. Yo'ldoshev mazkur arxiv hujjatlari asosida Xiva xonligidagi yer egaligining qanday tarkib topganligi va yerdan kimlar foydalanganligini aniqlashga muvaffaq bo'lgan hamda butun mamlakatdagi yerlarning 9/10 katta yer egalari qo'lida bo'lganligini isbotlagan. Olim haqiqiy hujjatlarga tayanib, tarix fanida birinchi marta XIX asrda Xivadagi yer-suv munosabatlarni, keng xalq ommasining hayotini, Xiva qishloqlaridagi murakkab ijtimoiy vaziyat va dehqonlar tabaqasi haqida to'liq malumot beradi. M. Yo'ldoshev O'rta Osiyo xonliklari xo'jaligida chorikorlik, yerni ijaraga olib ishlash shaklining keng tarqalmaganligi to'g'risidagi masalani yoritgan. Xiva xonligida soliq va majburiy ishlar haqida, soliq mahkamalarining tuzilishi, soliq to'lovchilar toifalari va ularning miqdori hamda yig'ilgan soliqlarning hajmi to'g'risida aniq malumotlar keltirib o'tilgan. Tadqiqotchi tomonidan o'rganilgan hujjatlar Xiva xonlari ma'muriy tuzilishiga doir boy materiallarni ham o'z ichiga oladi. Shuningdek, saroy ayonlari, ma'mury, harbiy, sud va diniy mansablar to'g'risida mukammal ro'yxat keltiriladi hamda ularning mansab darajalari va vazifalari aniq ko'rsatiladi.

Xiva xonligiga oid arxiv daftarlarining o'qib chiqishning qiyinchiligi va bu sohada tadqiqotchining qilgan katta ishini alohida ta'kidlab o'tish kerak. Arxiv ilk marta topilgan davlat hujjatlari to'plami shaklida emas, balki tarqoq holda yotgan tasodifiy qog'ozlar yig'ma jildidan iborat edi. 1962-yil O'zbekiston arxivshunoslari tashabbusi bilan Respublika hukumatining talabi asosida hozirgi Sankt-Peterburgdagi Rossiya Milliy kutubxonasi (Leningraddagi) Saltikov-

Shchedrin nomidagi Davlat xalq kutubxonasidan 10 158 varaqda Xiva xonlari hujjatlari yurtimizga keltirildi. Hozirda ushbu noyob arxiv hujjatlari O'zbekiston Respublikasi Milliy davlat arxivida saqlanmoqda.

Xiva xonlari arxivlarini chuqur o'rgangan olim M.Yo'ldoshev arxiv daftarlari orasida saroy harajatlarini ko'rsatuvchi juda ko'p hujjatlar borligini aniqladi. Hujjatlar xon xazinasida qanday sarflanganligini aniq qilib ko'rsatadi. Bu hol hujjatlarning ilmiy qimmatini oshirish bilan birga, ularni muhim tarixiy manbaga aylantiradi. Mazkur arxiv hujjatlarining o'rganilayotgan davrda tartib bilan yozib borilishi, to'planishi va saqlanishi ham O'rta Osiyo xonliklaridagi yuksak madaniyat va taraqqiyotdan dalolat beruvchi muhim omillardan biri hisoblanadi. Daftarlardan Xiva xonligida taqdirlanish, mukofot tariqasida (orden, yorliq va medallar yo'qligi) pul, yer-suv, chorva yoki qimmatbaho buyumlar berilganligini bilib olishimiz mumkin [4: 59].

Taqdirlash, turli jun mato va choponlar bilan mukofotlash usuli ham keng tarqalganligini ko'rishimiz mumkin. Ayrim hollarda mukofot tariqasida pichoqlar ham berilgan. Xivada harbiy yurishlar vaqtida askarlarda davlat tomonidan tibbiy yordam ko'rsatilmas edi. Yaralangan askarlar o'z hisobidan davolanishi kerak bo'lgan.

O'zbekiston Respublikasi Milliy Davlat Arxivi 125-raqam tarix fondi "Xiva xonlari devonxonasi" va "Xiva xonlari arxivi" deb atalgan birinchi va ikkinchi tavsiflari "Iqtisod" va "Qozi vasiqlari" bo'limida, hamda 323-fond birinchi tavsifida saqlanayotgan vaqfnomalarda Xiva madrasalari va ularning iqtisodiy manbalari to'g'risida noyob hujjatlar mavjud.

"Xiva xonlari arxivi" fondida "Yasovulboshining vaqf masalalari bo'yicha xon saroyiga chaqirilishi" deb nomlangan hujjatlar jamg'armasi saqlanadi. Mazkur hujjatlarni tadqiq etilishi ikki jihati bilan muhim bo'lib, birinchidan, sud-huquq, fiqh tizimida yasovulboshi institutining tutgan o'rni, uning funksiyalari haqida, ikkinchidan, vaqf ma'muriyati faoliyatiga oid qimmatli ma'lumotlarni beradi. Yasovulboshining davlat boshqaruvi va sud-huquq, mirshablik tizimida tutgan

oʻrni masalasi atroflicha oʻrganilgan boʻlib, mazkur tadqiqotda asosiy eʼtibor Xiva xonligida vaqf maʼmuriyatining amaliy faoliyatiga qaratiladi.

Foydalanilgan manba va adabiyotlar:

1. Historiography of the problem of record keeping and archival affairs of the Khiva khanate in the XIX-early XX centuries. S.Xusanov.

2. . Муравьев Н.Н. Путешествие В Туркмению И Хиву В 1818-1820 Гг. Гвардейского генерального штаба капитана Н. Муравьева посланного в сию страну для переговоров. .1-2-. – Москва, 1822; Иванин М.И. Описание зимнего похода в Хиву В 1839-1840 Гг. – Спб. 1874; Соболев Л. Обзор доступов в Хивинское ханство и короткие сведения о нем. // Вс., 1873; Костенко Л.Ф. Хива В 1873 Г. – Спб. 1874; Кун А.Л. Доходы Хивинского ханства // Тв. 1873; Веселовский Н.И. Очерк историкогеографических сведений о Хивинском ханств от древнейшего времени до настоящего. – Спб. 1875; Данилевский Г. Описание Хивинского ханства // Зрго, 1851; Гладышев Д. Муравьин. Поездка из Орска в Хиву и обратно совершенная в 1740- 1741 Гг. Поручиком Оренбург. Драгуном. Полна Д. Гладышевым И Геодезистом Муравьиным. – Спб,1851; Вамбери Х. Путешествие по Средней Азии. – Москва. А. И. Мамонтов, 1867; Вельяминов. Зернов В.В. архивные монеты Бухарские и Хивинские // Творао, 1889; Каульбарс А.В. Материалы для разрешение вопроса о повороте Аму Дарьи В Каспийское море. – Тифлис, 1887; Шим А. Хива и хивинцы и покорение Хивы. Очерк. – Москва, 1914; Желябужский Е. Очерки Завоевание Хивы. – Москва, 1875; Самойлович А.Н. К изучению Хивы и Хивинского ханства, сост. Капитаном Ген Штаба Гримфельдом, перераб. Генерал Майором Галкиным. Ч. 1-2.-Ташкент, 1902-1908;

3. Йулдашев М.Й. XIX аср Хива давлат ҳужжатлари, ЎзССР ФА Т.1960. Болтаев А. Хоразм тарихига оид ҳужжатлар // Қўлёзма. ЎЗРФАШИ. - №9320; Хива ҳақида эсдаликлар // Қўлёзма ЎЗРФАШИ. - №11645;

4. Вохидов Ш. Холиқова Р. Марказий Осиё давлатлари бошқарув тарихидан. – Тошкент. Янги аср авлоди, 2006; яна қаранг. Вохидов Ш. Сабурова Чс. Хива хонлигида унвон, мансаблар ва улар эгаларининг вазифалари.

QO‘QON XONLIGINING YER-SUV MUNOSABATLARI TARIXIDAN

Mamurov M.M.

QDPI, Tarix kafedrası katta o‘qituvchisi
m.mamurov-74@yandex.ru

Annotatsiya. Ushbu maqolada Qo‘qon xonligida amalga oshirilgan suv inshootlari qurilishining ba’zi bir jihatlari tahlil etilib, XVIII- XIX asrlarda xonlik xududida barpo etilgan suv inshootlari, ulardan foydalanish, dehqonchilik madaniyati, suvni taqsimlash va boshqarish huquqlari haqida so‘z boradi. Qo‘qon xonlari Erdonabiy, Norbo‘tabiy, Olimxon, Umarxon, Muhammad Alixonlarning agrar masalalarga oid chora-tadbirlari haqida so‘z ketadi.

Kalit so‘z va iboralar: Qo‘qon xonligi, suv inshootlari, dehqonchilik madaniyati, suvni taqsimlash, boshqarish huquqlari, kanal, ariq, Yangi ariq, Ulug‘nor.

Аннотация. В данной статье анализируются некоторые аспекты строительства водных сооружений в Коканском ханстве, водные сооружения, построенные на территории ханства в XVIII-XIX веках, их использование, культура земледелия, водораспределение и права управления. И рассматривались вопросы правителей Кокандских ханов Ердоабий, Норботабий, Олимхан, Умархан, Мухаммад Алихану по аграрным вопросам.

Ключевые слова и фразы: Коканское ханство, водное хозяйство, культура земледелия, водораспределение, право управления, канал, арик, Янги арик, Улугнор.

Annotation. ‘This article analyzes some aspects of the construction of water facilities in the Kokan Khanate, water facilities built in the territory of the Khanate in the 18th and 19th centuries, their use, farming culture, water distribution and management rights. The measures of Erdonabi, Norbotabi, Olimkhan, Umarchan, Muhammad Alikhan’s regarding agrarian issues are discussed.

Keywords and phrases: Kokand khanate, water facilities, farming culture, water distribution, management rights, canal, ditch, Yangi ditch, Ulug‘nor.

Mamlakatimizda amalga oshirilayotgan islohotlarning bosh maqsadi – xalqimizga har tamonlama qulay sharoitlar yaratishdan iborat. O‘zbekiston Respublikasi Prezidenti Shavkat Mirziyoyev mamlakatimizni 2016-yilda ijtimoiy-iqtisodiy rivojlantirishning asosiy yakunlari va 2017-yilga mo‘ljallangan iqtisodiy dasturning eng muhim ustivor yo‘nalishlariga bag‘ishlangan Vazirlar